

Djamanta

Práktikamente tur hende ta komuniká regularmente ku amigu i famia via un pantaya. Bo ta haña Skype, FaceTime i WhatsApp riba práktikamente tur laptop i selular. Tene reunionnan komersial via un pantaya tambe ta normal awendia.

Diferente aplikashon di komunikashon komersial ta grátis disponibel online. Hopi biaha, empresanan mas grandi tin aparatonan profeshonal pa video conferencing. E bentahanan di esaki ta evidente. Tin hopi mas fleksibilidat kontra gastunan hopi mas abou. E ta sòru ademas pa un enorme ekonomia di tempu (di biahe). Di mes tin desbentaha tambe. Ta rekomendabel pa klasifiká esakinan. E ora ei bo por tuma medida kontra nan.

Kiko ta e do'- i don'tnan di video conferencing? Si ta uza video conferencing den reunionnan di direktiva òf huntanan di komisario, bo mester averiguá na promé lugá si e statutonnan ta eksplísitamente nombra i pèrmití e forma akí di reuní. Si esaki no ta e kaso, e ora ei e kantidat di partisipante ku sí ta físikamente presente ta determiná si tin un kuorum. Ke men paga tinu riba esaki, sinó bo ta kore e rísiko di tuma desishonnan ku no ta válido pasó no tabatin kuorum.

Mas aleu, video conferencing ta eksigí un kantidat di abilidadat spesial. Esaki ta konta tantu pa presidente di e reunion komo pa e partisipantenan. Bon mirá, si niun hende no ta físikamente presente, esaki ta mas fásil ainda. Di pursi, tur hende ta den e mesun barku. E dinámika di grupo ta den balansa. Ku bon palabrashon (protokòl) tokante ken ta tuma palabra ki ora, bo ta yega basta leu kaba e ora ei.

Kosnan ta bira mas fèrfelu si ta solamente un òf dos partisipante ta partisipá na e reunion via e video conference. Pa nan no ta dje simpel ei pa sinti kiko ta sosodé den e grupo. Tin biaha tin retraso riba e liña. E ora ei ta mas difísil ainda pa partisipá riba distansia den un diskushon. Hopi lihé ta taim bo kontribushon inkorektamente. Ademas, hopi biaha, inkonsientemente grupo ta sinti e kontribushon akí komo unu 'di un hende di afó'. Si bo no paga tinu, yen mekanismo no-intenshoná lo kuminsá hunga un ròl. P'esei ta mihó pa komo partisipante virtual bo asumí un ròl (komuniká i palabrá fo'i delantá) pasivo durante un reunion. Bo ta partisipá na e reunion si, pero bo ta skucha mas tantu. Solamente na momentu ku ta sumamente nesesario, bo ta hasi un pregunta òf remarke. Hasi esaki semper via e presidente. Pidi palabra via un señal palabrá (hisa man òf algu por estilo). Esaki ta evitá ku ta eksperensia bo komo un emisor di interferensia. Sinó lo bo mira ku ta nèt na e momentu robes bo ta lòs bo remarke 'balioso' den e reunion.

E presidente mester involukrá esnan ku ta virtualmente presente regularmente i konsientemente den e kòmbersashon. Esaki ta kuminsá dor di yama nan specialmente bonbiní fo'i delantá. E por duna nan palabra kòrtiku asina. Regularmente, e mester hasi nan pregunta entremedio tambe.

Video conferencing no ta niun tiki adekuá pa feedback negativo. No kometé e fayó nunca pa duna krítika komo partisipante virtual. Limitá bo mes na hasimentu di pregunta.

Realisá bo mes tambe ku bo ta permanentemente den pantaya. Durante reunion, e partisipantenan ku ta físikamente presente, den forma di reflèks òf fèfelamentu lo wak e pantaya kontinuamente kaminda por mirabo den tur bo gloria. Sòru pa bo bestuario ta adaptá na esun di esnan presente. No kome, pasó bo djentenan ku ta mula ta visibel pa tur hende. No papia ku otronan den e espasio kaminda bo mes ta. Ta mihó bo dominá e gana di ke app ampliamente. No uza telefòn òf app. No ta honesto, pero tur hende por sigui i nota bo kondukta, miéntras esnan ku ta físikamente presente por hasié sin ku ta stroba i nota nan. Mucha ku ta yora i kachó ku ta grita tampoko no ta e kos. Ke men mantené e kònòpi di 'mute' kontinuamente sendé, amenos ku bo tin ku puntra òf bisa algu. Video conferencing: papia ta oro, keda ketu ta djamanta.



[Frank Kunneman](#)
VanEps Kunneman VanDoorne
Attorney at law | Partner

T +5999 461 3400 ext. 254
E kunneman@vandoorne.com
